

concionibus pravi mores omnis generis hominum a vitiiis ad meliora traducti fuerant, exturbantur Concilii Patres, & concurrente fecum Timothei Alexandrini Episcopi factione, qui Petri fratris sui paullo ante demortui Episcopatum susceperat, in locum abdicati indignissime Gregorii, senem quandam ordinis Senatorii scientiæ ecclesiasticæ proflus imperitum eligunt, & usque adeo in tam provecta ætate salutis animæ negligentem, ut nedum de suscipiendo Baptismo cogitaret, Nequirium nomine, sine ullo divinæ vocationis indicio, intra triduum necdum sufficienter catechizatum Baptismi fonte ablunt, deinde tumultuarie ac precipitater in Clericum attondent, raptimque Ordinibus Ecclesiasticis iniungunt, neque monitum Apostolicum, *Magnus cito nemini imponatur*, pens habentes, præcipiti festinatione Sacerdotio & Episcopatu consecrant. Gregorius nascentis tempestatis mollimina cernens illud Jonæ Propheta usurpavit: *Si propter me tempestas ista orta est, mitte me in mare*, seque sponte communis concordiaë propriæque quietis studio abdicavit, suoque animo constituit nullis posthac Synodis unquam interesse, eo quod sicut ipse expertus scribit, omnia in his per factiones & tumultus agerentur. Annoque insequenti quamvis Constantinopoli versaretur ad novam Synodum ab Episcopis invitatus, & a Theodosio Imperatore rogatus, se ab ingressu Synodi excusavit.

11. Can. VI. Prohibet in primis accusationem adversus Episcopum ab eo intentari, qui vel hæreticus, vel alioqui excommunicatus, vel qui in iudicio criminis condemnatus sit, vel aliter infamis, nisi se accusator plene purgaverit, aut infamiæ labe absterferit. Quinimo neq. e adversus ullum Clericum audiri accusationem permittit, si accusator ipse iam delicti reus constitutus sit, nisi postquam objecti criminis se probaverit infonem. *Quam renovavit sanctionem Concilium Carthagenense, vulgo dictum secundum, can. 6.*

12. Eodem Constantinopolitano canone sexto sancitur: *Ut in accusatione Episcopi possit a Provinciali Synodo Episcoporum recurri ad majorem Synodum Diocesis Episcoporum.* *Ἡ ἱεραρχία τοῦ ἑκάστης τοῦ ἱεροῦ ἐπιτοπίας ἐπιστοπῶν, Marcellus Papa & sub Maxentio tyranno martyr, ad Episcopos Provinciæ Antiochiæ scribit, esse jam iade ab Apostolis constitutum, ut accusatus Episcopus non nisi in Synodo auctoritate Romani Episcopi convocata judicari possit. Ceterum in remotioribus maxime per Orientem regionibus, illa de Episcoporum delictis cognitio exerebatur a vicinarum Provinciarum Synodis a Metropolitano coactis, ut ex veteris Ecclesiasticæ historiæ locis innumeris compertum est. Inferiorum Episcoporum ditio, quæ nunc Diocesis, olim Parocia dicebatur, nec permittebatur his Metropolitano subiectis Episcopis, aliam cogere Synodum nisi subditorum sibi Sacerdotum & Clericorum. Metropolita vero Episcopi, qui nunc temporis Archiepiscopi audiunt, suæ Provinciæ Episcopos ad Synodum convocabant, quæ Provinciæ Græcæ ἐπαρχίας dicebantur, suffraganei autem Episcopi ἐπαρχίται, id est Provinciales vocabantur, ut docet hic ipse sextus canon. His etiam superiores erant Episcopi plurium simul Provinciarum Ecclesiasticarum iudicii, a quibus indicebantur plurium simul Provinciarum Synodi, atque majores isti Episcopi ampliori Provinciarum jurisdictione fungentes a Græcis ἐπίσκοποι, Eparcha nominabantur, quorum mentio est in Chalcedonenfibus canonibus 9. & 17. a Latinis autem Primates dicebantur. Supra hos ampliori jurisdictione Patriarcharum dignitas præeminebat. Zonas ad canonem Chalcedonenfem 17. Exarchos commemorat Episcopos Græcos, Cæsares Cappadocum, & Ephesinum, & Thessalonicensem, & Corinthum, quos ideo insignia dignitatis suæ gestare dicit *πολυστάυρα, polytauria*, sic a crucium multitudine dicta. Quod quidem insigne non aliud est, quam quod cap. 14. octavæ Synodi *quæpior*, id est, *superhumeralis* vocatur, a Latinis autem Pallium. Argumento est, quia Gregorius Pontifex lib. 9. epist. 55. ad Episcopum Corinthi, quem Zonas inter Exarchos recenset, Pallium transmittit Pontificiæ sublimioris potestatis insigne. Et fidem facit Anastasius in Marco Silvestri Papæ successore, Otienfem Episcopum, eo quod ab ipso Romano Episcopo consecratus, jus habuisse a Marco gestandi pallii. Hoc ornamento scribit Isidorus Pelusiota lib. 1. Epist. 136. representari summi & optimi Pastoris JESU CHRISTI eximiam caritatem, qua humeris suis impostam ovem, quæ abtraverat, reducit ad caulam. Est enim istud insigne laneum, & humeris destinatum gestamen. His suffragatur Clemens Papa secundus, qui Pallium mittens ad Joannem Salernitanum Archipræfulem, sic eum cohortatur: *In qua (pallio) quia de vellere ovis est, intellige te ipsum pastorem. Et quia eo circumcingeris, & etiam circa humeros portas, cognoscat & undique circumspicias, ne aliqua erret, & in morfus incidat tu-**

porum. Quod si aliquando (quod absit) contigerit, eam habeas in humeros ad caulam reportare, & pristina societati coadunare. Quod vero ante & retro crux Domini habetur, illud Apostolicum semper docet ante oculos tuæ mentis habere: Mihi mundus crucifixus est, & ego mundo.

Ad Pallii Pontificii gestamen pertinet pariter iste octavæ Synodi can. 14. *Sancimus, ut designari ad Superhumeralia gestanda, ceteris illa temporibus statisque locis ea gestent, ne hujusmodi cultu per fastum & Superbiam abutantur, aut quovis tempore Divini Officii, & quavis Ecclesiastica functione deserant. Eos etiam qui Monachi fuerint, & ad Episcopatus honorem sunt provecti, ut religiosam vestem suam, habitumque monasticum servant statuimus. Quod si Episcopus præter designata tempora humeralia quæpior tulerit, aut Monasticam vestem abiecerit: vel corrigatur vel deponatur.* Quod attinet ad usum Pallii, vide tit. in Decretalibus de auctoritate & usu Pallii, ubi cap. 1. statuitur, intra quamlibet Provinciæ suæ Ecclesiam posse Archiepiscopum uti pallio. Et cap. 3. neminem vocandum Archiepiscopum, tametsi consecratum, nisi a Romano Pontifice susceperit Pallium, eoque conferri pastoralis officii plenitudinem. Deinde statuit cap. 4. Soli Papæ licere Pallio ubique uti. Et cap. 6. in qualibet Provinciæ suæ Ecclesia posse Archiepiscopum, dum Missam celebrat solemnibus diebus, deferre Pallium. Quod attinet ad alteram partem canonis 14. ex octavæ Synodo de prompti, de non abiciendo Monastico habitu superveniente Episcopali dignitate, & confirmatum pariter fuit Lateranenſis Concilii generalis sub Innocentio III. can. 16. hinc verbis: *Ut Episcopi olim regulares religionis suæ habitum retineant.* Citatur in cap. Clerici officia, de vita & honestate Cleric.

13. Can. VII. *Eos qui recte fidei adiacentur, & partem eorum qui ex hæreticis servantur, recipimus secundum hanc subiectam consequentiam & consuetudinem: Arianos quidem, & Macedonios, & Sabbatianos, & Novatianos, qui dicunt seipsos Catharos, & Aristeros (hoc est mundos vel similes) & Thebæradecarios sive Tetraditas & Apollinaristas recipimus; dantes quidem libellos & omnem heresim anathematizantes, que non sentit sicut sancta Dei Catholica & Apostolica Ecclesia, & signatos sive unctos primo sancto charismate & frontem, & oculos & nares, & os, & aures. Et eos signantes dicimus, signaculum domi Spiritus Sancti. Atque Eunomianos, qui in unam demersionem baptizantur, & Montanistas, qui hic dicuntur Phriges, & Sabellianos, qui eundem esse Patrem & Filium opinantur, utrumque simul confundentes, & alia gravia & indigna faciunt; & alias omnes hereses, quia hic multi sunt hæretici, & maxime qui ex Galatarum regione veniunt, quicunque ex his recte fidei adscribi volunt, ut Græcos admittimus. Et primo quidem die ipsos Christianos facimus, secundo catechizamus, deinde tertio exorcizamus sive adjuramus ipsos, ter simul in faciem eorum & aures insufflando. Et sic eos catechizamus, sive iniciamus, & curamus, ut longo tempore versentur in Ecclesia, & audiant scripturas, & tunc eos baptizamus.*

SYMBOLUM FIDEI

Ejusdem Concilii Constantinopolitani, a sancta Ecclesia in Missis decantari solitum.

1. **C**Redimus in unum DEUM Patrem omnipotentem Factorem cæli & terræ, visibilium omnium & invisibilium. Et in unum Dominum nostrum JESUM Christum, Filium Dei unigenitum, & ex Patre natum ante omnia sæcula, Deum de Deo, lumen de lumine; Deum verum de Deo vero; natum, non factum; hominifion Patri, id est ejusdem cum Patre substantiæ, per quem omnia facta sunt. Qui propter nos homines & propter nostram salutem descendit de caelis, & incarnatus est de Spiritu sancto ex Maria Virgine, & homo factus est. Crucifixus etiam pro nobis sub Pontio Pilato, passus & sepultus est. Tertia die resurrexit a mortuis, secundum Scripturas. Ascendit in caelos, sedet ad dexteram Patris. Inde venturus est cum gloria judicare vivos & mortuos. Cujus regni non erit finis. Credimus in Spiritum sanctum, Dominum & vivificantem ex Patre procedentem, & cum Patre & Filio adorandum & conglorificandum. Qui locutus est per Prophetas. Et unam sanctam Catholicam & Apostolicam Ecclesiam.

fiam. Constituemur unum Baptisma in remissionem peccatorum. Exspectamus resurrectionem mortuorum, & vitam futuri sæculi. Amen.

Porro de processione Spiritus sancti a Patre simul & Filio, consule inferius Dissertationem nostram: Quam velut appendicem subjecimus Concilio generali Lugd. II. sub Gregorio X. Summo Pontifice.

CONCILIUM

CÆSARAUGUSTANUM

Anni 381.

1. **H**Abitum fuit Damaso Pontifice, ad explendos Priscillianistarum errores; ejs meminit Severus Sulpicius lib. 2.

3. Can. III. *Eucharistiæ gratiam si quis probatur accipiam in Ecclesia non sumpsisse; anathema sit.*

Canoni occasionem dedere Priscillianistæ sacrilegi. Antea namque liberum fidelibus fuerat vel in Ecclesia Sacramentum absumere, vel in ædes proprias perferre in privati oratorii adorandum. Vide nostram de sacra Eucharistiæ dissertationem 5. in 2. sæculo.

3. Can. V. *Ut hi qui per disciplinam, aut sententia Episcopi ab Ecclesia fuerint separati, ab aliis Episcopis non sint recipiendi. Quod si scientes Episcopi fecerint; dictum est: qui hoc commiserint, non habeant Communionem.* Vide Nicænam can. 5. ibique notata.

Can. VII. *Ne quis Doctoris sibi nomen imponat: præter has personas quibus concessum est, secundum quod scriptum est.*

Can. VIII. *Item lectum est: non velandas esse Virgines, quæ se Deo voverunt, nisi quadraginta annorum probata ætate, quam Sacerdos comprobaverit. Vide ad secundum sæculum dissertationem nostram 3. de sacris Virginitibus.*

CONCILIIUM CARTHAGINENSE III.

Anni 397.

1. **I**stud suo loco movere frustra conatus est Baronius, quem ducem sequutus Severinus Binius in eundem erroris lapidem impexit. Ambo isti existimantes illud, quod ordine præcedit istud ipsum de quo agimus, non fuisse Carthagenense secundum: quippe quod falso creditur tempore fuisse posterius ipso etiam Carthagenensi VI. eo quod sibi animo fixerunt Genedium Carthagenensium Episcopum, qui secundo dicto Carthagenensi præfuit, fuisse Aurelii eodem in Episcopatu successorem: atque ideo rejiciendum esse post omnia Carthagenensia, quæ sub Aurelio celebrata fuerit. Proindeque id quod tertium dicitur, cui constat præfuisse Aurelium, referendum esse ordine secundum potius quam tertium. Veruntamen in eo decipiuntur, quod credunt, illum ipsum Genedium, seu Gethelium, qui secundo presedit Carthagenensi, Aurelio successisse; cum tamen fuerit Aurelii præcessor. Primum itaque post Nicænam Synodum Carthagenense Concilium sub Grato Carthagenis Episcopo gestum est, anno 348. Secundum sub Gethelio anno 390. Tertium istud ipsum, cui præfedit Aurelius, Sincio Romanam regente Ecclesiam anno Christianæ epochæ 397.

2. Can. I. *Placuit ergo in principio propter errorem, qui sæpe solet oboriri, ut omnes Africane Provinciæ Episcopi observationem Paschalem ab Ecclesia Carthagenensium curent accipere.*

Convenit huic Carthagenensium quinti Concilii can. 7. *Placuit ut dies venerabilis Paschæ formatarum subscriptione omnibus inimeretur.* Isto sanctus est officio Ambrosius, prænunciatus Provincialibus Episcopis futuræ Paschalis solemnitatis diem, qui ob lunæ decimaquartæ concursum poterat esse ambiguum. In illo ergo tractatu de Paschalis celebratitate ratione, quem ad Episcopos Amilice dirigit, recenset, Nicænæ Synodi Patres, ut deinceps apud Ecclesias certa haberetur ratio solemnitatis Paschalis diei, congregatis peritissimis calculandi, decem & novem annorum collegisse rationem, & quasi quemdam instituisse circulum, quem Enneadæ Cabassui, Notitiæ Ecclesiasticæ.

caeterida nuncuparunt, qui pro regula foret constituenti quotannis festi Paschalis. Hujus vero perquisitionis sollicitudinem commissam fuisse Alexandrino Episcopo, eo quod Alexandrina Academia præstantissimos Mathematicos suppeditaret. Hanc vero regulam consecrandam esse monet Ambrosius, ne Domini passio die Dominica celebretur, & si quartadecima Luna in Dominicam inciderit, adjungendam alteram esse hebdomadam, cujus die Dominica Paschalis resurrectionis celebretur solemnitatis. Leo Papa Magnus cognomine, scribens ad Marcianum Imperatorem, epist. 64. testatur, hanc perquisitionem a Nicænis Patribus fuisse Alexandrinis Episcopis relictam cum hoc onere, ut Romanum Pontificem diei præstituti opportune admonerent, per quem ceteris Episcopis dies ille innotesceret, atque ita fiebat, ut Carthagenensis Episcopus formatis Romani Episcopi admonitus, minores Africæ Primates, & hi subiectos sibi Episcopos de die hujus occurfu quotannis instruerent. Instituta Apoftholorum, quibus deinde Victor Papa primus, Nicænique Patres ab omnibus Ecclesiis obtemperari iusserunt circa Paschale festum, require apud Clementem lib. 5. constit. Apofthol. cap. 16.

3. Can. II. *Similiter placuit, ut propter causas Ecclesiasticas, quæ ad perniciem plebium sæpe veterascunt, singulis quibusque annis Concilium convocetur, ad quod omnes Provincie, quæ primas sedes habent, de Conciliis suis ternos Legatos mittant.*

Quin etiam aliis præcis canonibus frequentiora Provincialia Concilia fieri jubentur, bina scilicet singulis annis, ut can. 37. Apoftholis attributo: præterea can. 5. Nicæno: Item can. 20. Antiocheno: & Chalcedonenfem can. 19. & Leonis Papæ primi epist. 82. cap. 7. Vide Gratiani dist. 18.

Can. III. *Item placuit, ut ordinandis Episcopis vel Clericis prius ab ordinatoribus suis decreta Conciliorum aurius eorum inculcentur, ne se aliquid contra statuta Concilii secisse asserant.*

Habetur c. placuit ut ordinandis, dist. 38. his consonat Cælestinus Papa I. epist. ad Episcopos Calabriae & Apulia: *Nulli Sacerdotum (ait) liceat suos Canones ignorare, nec quidquam facere, quod Patrum possit regulari obviare.* Habetur c. nulli Sacerdotum, dist. 38. Et Concil. Aurelianense IV. ann. 541. can. 6. *Parochiani Clerici a Pontificibus suis necessaria sibi statuta Canonum legenda percipiant, ne se ipsi, vel populi, quo pro salute eorum decreta sunt, excuset postmodum ignorasse.* Jampridem enim declaraverat Aurelianense Concilium tertium ann. 538. can. ult. *Canones suos nec ignorare quemquam, nec dissimulare, id est, præterire permittitur.* Refert Possidius vitæ Augustini cap. 8. *Satius Augustinus, ut Conciliis statueretur Episcoporum ab ordinandis debere ordinatis vel ordinandis omnium statuta Sacerdotum in notitiam deferre.* Cum vero ex hujusmodi Concilii canone ultimo, ac subscriptione, liquido constet, Augustinum in eo confedisse, percipiuntur sit, ejus rogatu tertium istum canonem fuisse a Patribus Carthagenensibus editum.

4. Can. IV. *Item placuit, ut ante viginti quinque annos atatis, nec Diaconi ordinentur, nec Virgines consecrentur: & ut Lectores populum non saluent.*

Habetur in Decreto, c. placuit ut ante 25. dist. 77. & cap. placuit, 20. q. 1. Eandem ad Diaconatum ætatem exigat quoque Synodus Quinquagesima c. 14. & Concilium Toletanum IV. can. 20. & Arelatenfem pariter IV. anni 524. can. 1. Necon Agathensē can. 16. qui habetur c. Episcopus benedictionem dist. 77.

Can. VI. *Item placuit, ut corporibus defunctorum Eucharistia non detur. Dicitur enim a Domino: Accipite & edite; cadavera autem nec accipere possunt, nec edere. Cavendum est etiam, ne mortuos baptizari posse fratrum infirmitas credat, cum Eucharistiam mortuis non dari advertit.*

Vide inter Dissertationes nostras 2. sæculi, eam qua est de præcis Eucharistiæ ritibus, 5. in ordine.

5. Can. IX. *Item placuit, ut quisquis Episcoporum, Presbyterorum, & Diaconorum, seu Clericorum, cum in Ecclesia ei crimen fuerit intentatum, vel civilis causa ei fuerit commota, si relicto Ecclesiastico iudicio publicis judiciis purgari voluerit, etiamsi pro illo fuerit prolata sententia, locum suum amittat: & hoc in criminali iudicio. In civili vero perdat quod evicit, si locum suum*